

# Pɔəri wǎri d̀̀i pátiri ketiri Timōntee Di mpátiri tɔ̀ t̀̀i náànti

Timōntee yɔ̀ do tú Sifu nwe kòo cice tú Kereki. Timōntee do yóó cɔuté Kuyie nke kpaá tú odapàà nwe. Pɔəri do wǎri Timōntee dipátiri ketiri ke bo ò cau nyitié nyeyi kpeí nke. De kó itié nyeyi do tú: Dèè kó dimàà tu tikònti kperε dè í wenni. Kàa dó kécooté a d̀̀ò nkéyóu tidiiti matì, a me mbáá puoke yoo a yenke. De kó dipátiri ketiri miεke nke bè nàkémè mubáammu yó ndòmmè.

Kè Pɔəri ò duónnè itié nhò bo ndòmmè otònti sààwè kéndò ndibenkèrì sààrì betòbè kpeí nkényé ò bo mpĩmmè Kuyie nkòbe kó diĩnnì.

*Di mpátiri náànti duó ke d̀̀ommè*

1. Mudòummu 1:1-2
2. Itié nyì tukúnè Kirisi kòbe tĩnnì nè di kó betòmbè 1:3-3:16
3. Pɔəri duóm̀̀mè itié Timōntee kè dè ntukúnè o móm̀̀muo nho tòm̀̀mú. 4:1-6:21

*Pɔəri d̀̀aum̀̀mè Timōntee*

<sup>1</sup> Mi mPɔəri, Kuyie nhOdεεtíwè yu wè ke n d̀̀ò Yesu Kirisi ti baa wè kó ditònnì, múi wǎri di mpátiri,

<sup>2</sup> Timōntee, m birε móm̀̀m̀̀nde Kuyie nkó kuce miεke. Ti cice Kuyie nnè ti Yiè nYesu Kirisi bè da kuó mmesém̀̀mè ke da d̀̀ò mesàà nke da duó ndiwèi.

*Ti bo nyémè iyààbìsítié nyembè kpeí*

<sup>3</sup> N sòò kòri Maseduonni ke da nákému ke dò a nkpaá Efesi kébaa bèè tiè nyiyáàbisítíé nkè bèè ì yóu,

<sup>4</sup> ké bè nàké kè bèè yóu bè bo ntūmmè tináàntì dètetirè kpeti, kényóu bè bo nféimmè ifuke, dè ce tinèiti nti. Dè í yóó bè teennè kè Kuyie mbè deeté, kù deerí wèè kù tá wènwe.

<sup>5</sup> N yē nhá tì mbè tié nkè bè ndó Kuyie nku nè be yèmmè memou kè tìmatì bá mbè bekùnè kè bè tá Kuyie nweti weti.

<sup>6</sup> Bèmbè bùtínnému de kó itié nke dó tinèiti sǒntíke kpeti.

<sup>7</sup> Ke dó kéntú bèè benkú Kuyie nkuó, bè né í yé ì tú mù weti weti.

<sup>8</sup> Ti yému ke tú ikuó wennimu kè nsà kàa dòòri ì yèmmè.

<sup>9</sup> Ikuó í bo bèè dòòri mesàa mbe kpéí, nyì bo itookperí yembè kpéí nke nè bèè yete Kuyie nkpeti nè benitiyonkubè nè bèè dòòri meyei nnè bèè sènkú Kuyie nnè bèè kòu be cicebè nè be yòbè, ke tú benitikòbè.

<sup>10</sup> Ikuó bo bèè dauti dautinè betòbè be kpéí nke nè benitidaabè bèè dautinè benitidatòbè nè benitipòbè bèè dautinè benitipotòbè, nè bèè fiiti benitibè ke yonnè nè beyáàbisítiebe nè bèè ò mpariku ke né sou nnè bèè dòòri dèterè dèterè Kuyie nnáàntì kó itié nyete dè.

<sup>11</sup> De kó itié mbo Kuyie nkùù kpeñni ke dòòri mesàa ku kó Tináànsààtì mieke nke. Kù ti nni nduó.

*Pòòri sǎntímè Kuyie nku sàa nkpeí*

<sup>12</sup> N sǎntímu Yesu Kiriisi ò n dómè, ke n tǎǎté ke n duó muwērimú, kè m pī nho tōmmú.

13 N do ò sǎámmu, ke fěũnko o kabe, kè m miεke bè còú mbá nè memme kè kù n kuó mmesémmè ke yé n do í yémè n dǎori dè.

14 Kè ti Yiè nni ndòò mesàà mmediè ke n teennè kè n tá Kuyie ke kù dó n tàunnè mèè kpéí nYesu Kirisi.

15 Tináaànti tii ntú timómmonti nti, ke dò mbá wè wèè tì yie, Yesu Kirisi kòtení kutenkù ke bo deeté benitiyεibe mbe, kè n tu beyεibe kóo ketiwè.

16 Kòò n kuó mmesémmè mí mbeyεibe kóo ketiwè, ke bo benke o minnímè deumè bèè yó nhò tá bè yóó namè kéréte mufòmmu mùù bo sǎà.

17 Kuyie nyètìrì ndeu sǎà. Kunku kuù tu okpààti ke bo sǎà, ke í kǎ, ti í wúó nkù. Kuù mǎà tú Kuyie nkè ti yó nkù sǎntí sǎà. Kè dè mme ndò.

18 N kóo dapàà Timōntee, n da nǎké tìi náaànti wènnému Kuyie mpǎānǎaànti náambè do nǎké tì a kpéí. Mpí nde kó tináaànti kè ti da teénnè kàa na kéma dimàù sààrì,

19 kéntǎ Kuyie, ke yíé nkù da náánnè tì a yèmmè miεke. A báá dǎò bèmabè dǎòmè ke yete Kuyie mbè náá nti be yèmmè miεke ke fétinne be tákùmè.

20 Be kó bèmabè tu Imindee nè Adekisǎntiri. N duó mbè dibǎò, kè di bo bè fěũ nkè bèe yote bè bo nsǎámmè Kuyie.

## 2

### *Ti bo mbáá mmèè botí Kuyie*

1 Meketimè, n dó di mbáámmu Kuyie mbenitibè bemou kpéí, ké nkù bàá nke kù mǎú dí kpa dè, ke kù sǎntí,

<sup>2</sup> ké nkù bàá mbekpààtìbè kpéí nnè bèè baké beməu be kpéí kè ti mbo bàmmùù kè dikənkəənnì bá mbo, kè ti nkù tū nke kù dé ke dəəri kù dómè.

<sup>3</sup> Kuyie mme ndó, kunku kùù tu ti deetìwè.

<sup>4</sup> Kù dómu benitìbè beməuu cooté, ke yíété timómmənti.

<sup>5</sup> Kuyie mbo kumáà ndi, wèè tàunko Kuyie nnè benitìbè kòò bo omáà, weè tu Yesu Kirisi wèè tùóté tinitikə̀nti.

<sup>6</sup> Wèè duó nhomáà ke naá ntiyeti kè bè ò kùò kòò bo deeté benitìbè beməu. Kuyie mmənnì dii do tùòke kòò mè dđ.

<sup>7</sup> Kuyie nkuù n tāāté ke n dđò ku tənnì, kè m bo náké bèè í tú Sifube timómmənti kè bè ntá Kuyie. N náá mmómmuə nwe, n yí sou.

<sup>8</sup> N dó bá wè wè mbáá nKuyie nhò berínè kèè bíékè nè o yemmè meməu ndi, ke dò mpáíí ke bá mməke mekpàrìyèmmè yoo kemieke.

<sup>9</sup> Benitipòbè níi nyi tiyààtì mesàà, bè bá nwanti idiííí ikperí kpeti nè mefimme mesəə nkōme nè yetootōre nè medèi nke pāātì tiyùtì ke bo benke bemáà.

<sup>10</sup> Be kó tisātì ntú bè bo ndəərimè mesàà nke dé Kuyie.

<sup>11</sup> Onitipòkù níi nkémú itié mbéu, kényie nyi yē mmù.

<sup>12</sup> N yí dó onitipòkù ntiè nhonitidòù yoo wè nhò baké.

<sup>13</sup> Ke yé Kuyie nketé ke dđòmè Adammu nwe ke dènte Efu.

<sup>14</sup> Dè í tú Adammu nwe dibəò soutémè, Efu nwe di soutémè, kòò yete Kuyie nkpeti.

15 Kuyie nné yóó dæetému onitipòkù ò m̀àkε dìì m̀ònnì ibí, k̀ε nsà nk̀òò k̀ù tá kε k̀ù d̀ó, kε kpa m̀eyεì, k̀òò ỳεmm̀ε wenni.

### 3

#### *Kirisi k̀àbε t̀innì k̀ó benìùb̀ε bo ndòmm̀ε*

<sup>1</sup> Ti nnáàntì tu timóm̄m̄nti nti, k̀òò m̀òù d̀ó k̀énni Kirisi k̀àbε t̀innì ò d̀ó mutóm̄m̀ú sààm̀ù mm̀ù.

<sup>2</sup> Wèè ni Kirisi k̀àbε t̀innì o borimε dò nkénwennimu, k̀òò m̀po onitipòkù òm̀áà, k̀énnò kε p̄ì nhom̀áà, k̀énciì kε d̀òari d̀èè wenni, kε c̀óú bεp̀òb̀b̀ε, k̀énnò nke tiè m̀benìtìb̀ε Kuyie nnáàntì.

<sup>3</sup> Ò bá ntú k̀unaàỳá̀ák̀ù, o miεkε bá ntonnì, wè nwenni kε bá nwanti yεkp̀àr̀ε, ò báá duó nho ỳεmm̀ε idiííí.

<sup>4</sup> Ò m̀p̄ì nho c̀í̀t̀ὲ m̀esàà, k̀òò bí nhò dé kε yíε nho kpeti.

<sup>5</sup> K̀òò nìtì í na kε p̄ì nho c̀í̀t̀ὲ ò bo ȳimε k̀éndakε Kirisi k̀àbε t̀innì k̀p̀éí?

<sup>6</sup> Ò bá ntú wèè c̀outé Kuyie mbàmbà, ò ỳàà bo m̀òtε tefentè k̀ε Kuyie nhò kpetínne, dibòò t̀ε m̀òòtε m̀èè botí k̀ε k̀ù dì kpetínne.

<sup>7</sup> Bèè í t̄ũ nKuyie k̀ε bè báá p̀été bè bo ò wàtí t̄ũ k̀p̀éí, ò ỳàà bo ta dibòò k̀ó timátì miεkε.

#### *Bewedəuntəmbə̀̀ dò nkéndòmm̀ε*

<sup>8</sup> Bewedəuntəmbə̀̀ borimε m̀únkε dò nkénwennimu k̀ε bè bè dé, bè bá mm̀òkε yεnò ỳédé, bè bá ntú tinaaỳá̀àtì, bè bá nd̀òari m̀eciì nk̀p̀εrε kε yo nyidiííí.

<sup>9</sup> Bè ntũ ntimóm̄m̄nti, kε bá ncaari Kuyie nyètiri.

<sup>10</sup> Bè níi keté k̀é bè ỳááké, k̀ε bè na dε k̀ó mutóm̄m̀ú bè né bè d̀òò bewedəuntəmbə̀̀.

<sup>11</sup> Benitipòbè bèè tu bewedəuntōmbè be borime múnke dò nkénwennimu, bè bá nnáante betəbè kpéi nkénnə nke pĩ mbemáà, kè be də̀rìmè nwenni demou de miéke.

<sup>12</sup> Owedəuntōnti dò nkémpo onitipòkù omáà ndi, ke pĩ nho cǐètè mesàà, kòo bí nyíé nho kpeti.

<sup>13</sup> Bewedəuntōmbè bèè pĩ mbe tǎmmú mesàà mbè ɔ̀ mbè dému, kè bè nàá nYesu Kirusi kpéi nnè dikōmbùò be borime wenni mèè kpéi.

*Yesu weè tu ti tákùmè kó dikūnni*

<sup>14</sup> N da wǎri di mpátíri ke dó kékətoomu bàm̀bà nke da yà.

<sup>15</sup> Kè mme n yí cārike ke kətoo, di mpátíri bo da teennè kàa nyé a bo mpĩ mmèè botí Kuyie nkəbe cuokè mutōmmú. Kuyie mbomu kè kuù tə timómmənti yesānkè ɔ̀ ntə mèè botí təcǐètè.

<sup>16</sup> Timómmənti disòri kpeti Kuyie nti duó nti kè ti tì nàá nti demu, tìi tu:  
Kirusi naá nhonìti nwe ke kətení,  
Muyaánsààmù béimmu  
ò tumè timómmənti yiè,  
kè Kuyie ntōrè ò yà,  
kè bè nàké o kpéi nyebotè,  
kè kutenkù kuməu kəbe ò yie,  
kòò dèke keĩnkè nè diyetidieri.

## 4

*Kuyie ndòò dèè kó dimàà wennimè*

<sup>1</sup> Muyaánsààmù ti náámmu nweti weti ke tú yewe sonye benitìbè bo yete Kuyie nkó kuce kətūnne meyaàbìsíyèmmè nè yebəkè kó itié.

<sup>2</sup> M̄yèmmè mèdémè yembè nè siyáàbìsì yembè bo mbè sou. De kó siyáàbìsì yembè dèmarè í káá mbe yèmmè bè dò mbè bè tùnnè timátì wũõti nti.

<sup>3</sup> De kó benìtibè bo nnáá nke tú dipopuò í wenni, ke tú bè nci mudii mamù. Kuyie ndè dḡò kè dè tu onìti kó mesàà mme, bèè yie nKuyie mbè yíḡému timómmḡnti, ke ḡḡ kù dḡunnè mutómmú kédì.

<sup>4</sup> Kuyie ndḡḡ dèè kó dimàà wennimu, dèmarè í dò nkéyóu. Ti né dò nke ní kù dḡunnè mutómmú mmu ké dè di.

<sup>5</sup> Kuyie nnáàntì nè mubáammu deè wénkũnko demḡu.

*Kuyie nkóo tḡnti sààwè dò nkéndòmmè*

<sup>6</sup> A ntiè nti Kirisi kḡbe. M̄n̄m̄e a bo ntúmè Yesu Kirisi kóo tḡnti sààwè, wèè bebí Kuyie nnáàntì sáà kè tì dḡnnè o kó mudii ke tũ nKuyie nnáàntì kó itié nwetì wetì a ì bebí mèè botí.

<sup>7</sup> Bútinnè tiyààrìnèitì sḡntíke kpeti, tì í yóó da teennè Kuyie nkó kuce, kèyetoò kéndḡri Kuyie ndómè.

<sup>8</sup> A bo fḡũmmè a kḡntì dè wennimu yie, a né bo yetoomè Kuyie nkó kuce deè pḡḡtḡ. Ke yḡ dè í tímè mufòmmu muù mmáà kpéi nnè muù kpaaní mu kpéi nke.

<sup>9</sup> Tináàntì móm̄m̄nti nti benìtibè b̄m̄ḡu dò nkéntá tì.

<sup>10</sup> Deè te kè ti p̄i mm̄utómmú ke maù, ke yḡ ti támè Kuyie, kunku kùò bo sáà ke d̄erí benìtibè b̄m̄ḡu, dḡke bèè kù tá.

<sup>11</sup> Á dò nké nti mbè nàámmu, ke tì mbè tiè.

<sup>12</sup> Á báá yóu kè bè da senkèrì a tú mèè kpéi nhodapàà. A náàntì nè a dḡòrìmè dè nwenni, kàa

ndó betɔ̀bè, kéntá Kuyie mmesàà nke dɔ̀ori dèè wenni, kè bè nda wúó nke tũ.

<sup>13</sup> Á nkaà Kuyie nnáàntì benìtibè, ke tì mbè tũnni, ke tì mbè tiè nke kèmmú m bo tuɔ̀koomè.

<sup>14</sup> A báá yè nKuyie nda pã dii pãnni, kè ku pããnáàntì nánbè tì béi mbewedɔ̀unkótíbè da nòó ndi m̀nni sinou ke bántè Kuyie.

<sup>15</sup> Totí a yèmmè de kó dipãnni ìnkè, ke duó nhamáà de kó mutɔ̀mmú, kè bè nwùó nha kérímè de ìlkè.

<sup>16</sup> Nda ke amáà kpéi nké mbè tiè nkè dè wenni, kénfííkú teii. Kàa d̀ori m̀mmè a bo deeté amáà, kédeeténe a tiè mbè.

## 5

### *A bo nni m̀è botí benìtibè*

<sup>1</sup> A níi bá nnáánnè wèè da kótí mekperímè, a nhò náánnè ke d̀o nha cice, kénnáánnè bedapàmbè ke d̀o nha ní,

<sup>2</sup> kéndɔ̀ori bepokótíbè ke d̀o nha yɔ̀bè, kéndɔ̀ori besapàmbè ke d̀o nha tãbè, ke tìmatì bá mbo di cuokè.

### *Kirisi kabe d̀o nkéndake bèè kúpobè kpéi*

<sup>3</sup> Á ndake bekúpobè bèè í m̀ke bèè bè teénnè be kpéi, ké mbè dé ke d̀o nha yɔ̀bè.

<sup>4</sup> Kòo kúpokù m̀u me mmàke ibí yoo o yaàbí, ì d̀o nké nhò tɔ̀ ò do ì tɔ̀ m̀è botí kèbenke ì tumè Kirisi kabe. Kuyie m̀me ndó.

<sup>5</sup> Okúpokù wèè í m̀ke wèè ò teénnè ò ò mbúó Kuyie nku, ke kù mmóú metèmmè sáà.

<sup>6</sup> Okúpokù wèè d̀ori ò dómè ò kumu, kòo yèmmè né d̀o nhò f̀u.

<sup>7</sup> A d̀o nké tì mbè nàkému kè bè ndɔ̀ori dèè wenni.



<sup>8</sup> Kòò mǎu í dake o kǎbe kpéí, dǎke o cǐèè kpéí, wè í tú Kirisi kou. Wèè í tǔ nKuyie nho kǎme ò tǎũnèmu.

<sup>9</sup> Nte a dò nkéwǎri bèè kúpobè yètè ké mbè tǎ, wèè yenke onitidǎu omáà ke mǎke yebie sipísikuà.

<sup>10</sup> Ke tiè nho bí mesàà, ke cǎú bepdǎbè, ke yáí Kirisi kǎbe, ke dake besénnibè kpéí. Kòo tǎmmú mumǎu wenni.

<sup>11</sup> A báá wǎri bejúpobè bèè kraá be, Kirisi kǎbe dò nkétǎ bè be kó yeyètè miéke. Kè dè yèmmè bè bo bútínnè bè dǎúnnè dii nùù Kirisi kéwète kéndó kéyenke,

<sup>12</sup> kétǎte bè do dǎúnnè dii nùù Kirisi, kéyeténè Kuyie,

<sup>13</sup> kénáá mbetǎnnédiebè, kéncenti centi sicéí, ke náante náante tii í tú be kpeti.

<sup>14</sup> Dèè te kè n dó bejúpobè bèè kraá ke be bè nyenkú, képié ibí, kéndake be cǐí kpéí, kè ti kprantídèntǎbè báá na ke ti wátí.

<sup>15</sup> Ke yé bejúpobè mabè yóumè Kuyie nkó kuce ke tǎnne obǎkprǎàti kǎku.

<sup>16</sup> Kòo kúpokù mǎu mǎke o kǎbe bèè tǔ nKuyie bè nhò tǎ, kòò bá ntú Kirisi kǎbe kó ditǎu kè bè ntǎ bèè í mǎke be kǎbe.

*Bè dò nkéntǎmè wèè náá Kuyie nnáànti nè ò dò kéndòmme*

<sup>17</sup> Wèè náá Kuyie nnáànti ke ni Kirisi kǎbe tǎnni di nhò yietì kè dèe pèèté di duó ndè bejúpobè kuce mèdémè.

<sup>18</sup> Tì wǎrimu ke tú: A báá táú nfenààfè nùù fè puotì dii mǎnni tidiiti. Ke wǎri kupíkù tekù ke tu: Bè dò nkényietìmu otǎnti.

19 Kè bè wátìrì owedɔunkótì a báá yie nkè nsà kè bèdédèbè yoo bètāāti beè í yà ke béi.

20 Kòò mǎù dǎò meyei, nha ò kpannè benitibè ìikè kè kufɔwaá mbè pī nkè bèe yote meyei nkó mudòrìmù.

21 N da báámmu Kuyie nyìikè nè Yesu Kirisi kàke nè Kuyie ntǎrè kù tǎāté yè ìikè, ke tú a ntū nde kó itié ke bá mmàke yenò yèdéè, ke bá mbaàti òmǎù.

22 A bá ncǎá a bo tǎātémè onitì, kòò nòó nsinòu, kòò duó mmutǎmmú, kàa mè dǎò, kòò do, a múnke kàkémú de kó meyei mmieke, fǎ nní nwenni páíí.

23 Á bá nyò mmenie mmáà, nyò ndiféè sǎmpó a poutì yonku kpéí.

24 Bèmabè kó meyei mpǎnke ò nfeímu, kè betòbè kǎme òò dente kéfeité.

25 Mesàà nkperè me ndò, bèmabè kǎme òò nfeímu kè betòbè kǎme òò dente kéfeité.

## 6

1 Bèè tu Kirisi kàbe ke tú tidaati bè ndé be yembè, kè dèe yie nkè bè báá sǎá nKuyie nkésenkèrì ku náàntì.

2 Tidaati tì yembè tu Kirisi kàbe, tì báá yóu tì bo mbè démè ke dò bè tu bemǎu Kirisi kàbe. Tì petinke dò ntì mpī mbe tǎmmú mmu, kè dèe pǎēté dè na ndòmmè.

*Iyààbisítíe nnè tikpàti mǎmmǎnti de kó tináantì*

Nte a dò nké mbè tiè ntì ke yáúkunko be kǎntì.

3 Kòò mǎù tié nyitié mmaì ìì cǎánnè Kirisi kpɛyi, ò yete Kuyie nkó kuce kpeti ntì,

4 κε μᾶκε τefentè, wè í yé dèmarè, κε μᾶκε tineìti sǒntíke kpeti, tìi ce nyekpàrè nè yēsáàmbè, κε μᾶκε mehēēmmè, κε wúó mbetǎbè beyeibe.

5 Bèè μᾶκε δε κό tineìti botí bè ténke í yé timómmoni, kè be yèmmè dò nkuwedounce tu kuditikaku.

6 Kuwedounce κό tikpàti tu dè bo nda naatinèmmè a μᾶκε dè.

7 Ti yému κε dò nti í tǎní dèmarè bè ti peí dìi mǎnni, ti me nyí yó ntǎ dèmarè ti kũũ nyiè.

8 Kè ti μᾶκε ti yo mmù, κε μᾶκε tiyààti dè ti sǎnnèmu.

9 Bèè dǎ kénáá mbedítikpààtibè, bè ǎǎ do mebennímè miεke nke kè iyentotí yeyii bè souté kè bèε ta meyei mmieke, kéfeti kè dèε deè.

10 A bo duómme a yèmmè idíítí dè tu meyei nkó dikũnni ndi, bèmabè i ndake κε déténè Kuyie nke fǘũri.

### *Pǎori tiémme Timōntee*

11 Fǎ nKuyie nkóo niti, menténè amáà δε κό meyei nkéntũ Kuyie nke dǎori kù dǎ dè, kényíε nku kpeti, ké nkù dǎ, kénno nke mi nke bá ndǎri.

12 Mà dimàù sààri a tá mèè kpéi nKuyie nképété mufòmму mùù bo sǎà Kuyie nda yu mùù kpéi nkàa nàké benitibè péu ìkè a kù támè.

13 Nè Kuyie nkùù duò mmufòmму denennè demou ku yètiri nè Yesu Kirisi wèè do í yǎte ò bo nákémmè Pǎnsi Pidati ìkè ò tu wè o kperi, n da náámmu kè n tú:

14 A mpí nKuyie ntannùù kàa fòmму nwenni páíi, kòò mòù báá da wátí, kè ti Yiè nYesu Kirisi yàa wētenni.

15 Kuyie ndiekù kùù mǎà mǎke muwērímu muməu, bekpààtibè kóo kpààti, kùù baké bèè baké, kè ku mǎnni tùðke ò bo wēteni.

16 Kuù mǎà fòu sǎà, ke ā kuwenniku diekù miēke kùù kǎu inuə, òmǎu í yóó na ke tóonko kùù borè. Òmǎu í yà Kuyie, òmǎu me mbáá na ké kù yà. Ku yètìrì ndeu, kè kù nkpeñni sǎà. Kè dè mme ndò.

17 Náké bèè mǎke ku ntenkù kó tikpàti kè bè bá mmǎke sifeí, bè báá duó mbe yèmmè tikpàti, ke yé bè í yémè tì pēnké diì mǎnni. Bèè duó mbe yèmmè Kuyie nkùù ti duó ndeməu, ke dó dè nti naati.

18 Náké be kè bè ndəəri dèè wenni, kè be borime nweni, kè bè nnitì ke pǎã mbe kpere.

19 Memme bè bo pétémè tikpàti keĩnkè kpeti, tìi yó mbo sǎà, kémmǎke mufòmmu sǎà.

20 Timōntee a báá yóu a bo mpĩmmè Kuyie nda duó mmùù tōmmú, menténè amáà bèè yèmmè dò mbè ciì, ke dó tineitì sǎntíke kpeti.

21 Bèmabè yèmmè dò mbè ciìmu ke détenè Kuyie nkó kuce.

Kuyie nkó mesàà nní ndi bonè!

**Bibiri Kuyie Nnààntì Pátírì**  
**The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16